

Tiecze Müldener vnd Hannus Snõrpfil bekennen —, das vor vns in eynen vollen sitczenden rath komen ist der ersame prister her Peter Rosinplicz vnser altarista vnd capplan vnd hat vns vorkundiget vnd geoffinbart, wy<sup>e</sup> das her — welde schickin vnd bestellen eyn ewyk selegerete vnde hette des Pawel Eckele abegekoufft syn haws, daz do gelegin ist hinder der obir batstobe uff der ecke alzo man geht in Heynrich Rychinbachs hoff ken der Kuttelgassen ober, zcu nutze vnd zcu stewre eym alteristen Vnser liebin vrawen alter, das vnser eldern vnd vnser võrvårn in vnser pharkirchen von nuwes gestift vnd erhaben habin, alzo das es zcu dem selbin alter ewiklichen gehören sal vnde doby<sup>e</sup> bliben, vnd hat vns des mitt fleiß gebeten, das wir das selbe haws eygen welden zcu dem alter vnd fryhen vñ gaben, dy vnser stad do von an mochten gelangen, noch deme alzo hers hat koufft ewiklichen by<sup>e</sup> dem vorgeschrebin alter zcu bliben. Nu habin wir betracht vnd besondern angesehn gote vnsern liebin hern vnd Mariam dy<sup>e</sup> werde konigynne, dy vns das wol an eyne grossern mogen erstaten, vnd ouch besondern bedacht, das das gestifte vnd dy lehn des megenanten alters vnser stad synt, vnde haben des<sup>1)</sup> mitt rathe vnd willen vnd wissen vnser eldisten das vorgeante haws geeygint zcu Vnser liebin vrawen altere vnd gefrihet vnd ledig vnd löz gegeben vnd mitt krafft disses brifes eygen vnde fryhen vnd ledig gebin vnd loes sagen ewiklichen von geschossen, von wachen vnd von allir andirleyge beswerungen vnd goben genand adder vngenand in dissem brife, dy vnser stad mochten gebõrn adder werden von deme offtgenanten hause, alleyne worffczins vñzgenomen, der vnser pharkirche angehort, den selbin czins sal eyn alteriste des megenanten altaris gebin von dem hawse, alzo man en von alders dovon hat gegeben. Czu grossir sichirheit alle der obin geschrebin rede stücke vnd artikel so haben wir vorgeschrebin burgermeister vnd rathmanne vnser stad ingesigel an dissen kenwertigen vffinn briff laßen hengen. Gegeben noch der geburt Cristi virczhenhundert dornoch in deme fumfzhenden iare am frithage vor Invocavit.

Nach dem Orig. im Rathsarchiv zu Pirna mit dem Stadtsiegel an einem Pergamentstreifen.

1) Orig. *das*.

## No. 82. 1415. 28. Juni.

*Albrecht von Colditz urkundet, dass er mit Genehmigung der Landesherren und unter Beobachtung der ihm auferlegten Bedingung (No. 80) an Hermann Seiler Bürger zu Pirna und dessen Ehefrau das Vorwerk und die Steinmühle sammt Zubehör, den Zinzerling, einen Garten auf dem Hausberge, den Niederhof in der Stadt und andere Güter erblich verkauft hat.*

Wir Albrecht von Coldicz Romyschin vnd Behemischin konig oberist cammermeister herre zu Belyn bekennen —, das wir — vorkoufft habin deme vorsichtigen weißin manne Herman Seiler burger zu Pirne, Elsen syner elichin wirthinne vnd alle iren erbin vnd erbnemen erblichin zu eyne erbe vnßir forwerg, das gelegin ist do zu Pirne vor der stat mit allen seinen zugehorungen, also das vor alder bey vnser muter seligen vnd bey vns bis her gelegin ist, alle eckyr wesin wassir gehulcze vnde dorczu die mol, die man nennet Steynmõl mit wisin vnd mit garten nichtes vsngenomen vnd den Czinczerling wesin vnd gehulcze hophgartin mit dem czinse vnd steynbruche